

Ningzmingz Ciemdingh Aen Hanghmoeg Dajciengx Vaiznoh Binjcungj Moq Ndeu

宁明签订肉牛新品种扩繁及饲养项目

12 nyied 14 hauh, Ningzmingz Yen Yinzminz Cwngfuj caeuq Baekging Vazhau Ciyez Gizdonz Gujfwon Mizhanh Gunghsw hwnhleih ciemdingh aen hezyi doxgap hanghmoeg dajciengx vaiznoh binjcungj moq gungh roengngaenz 29 ik maenz he.

Aen hanghmoeg dajciengx vaiznoh binjcungj moq neix dingh youq Ningzmingz Yen Dingzlieng Cin, ciemqdieg menciz 2500 gunghgingj, faen sam bi guhbaenz.

Hanghmoeg sawjyung aen mozsi “gunghsw h + nungzhoh”, doeklaeng saedyienh aen gveihmoz canjyez 100000 duz vaiz.

(Cauh Yizganh/周贻刚 Luz Yen/陆 究)



▲ Ciemdingh yizsi vienhciengz.



▲ Rap moulwg maranz ciengx.

Yungzsuij Daegsaek Swngghdai Mousei Ndaem Bang Vutgungz

融水特色生态黑香猪养殖助农脱贫

Yungzsuij Myauzcuz Swciyen Ganhdung Yangh dwg aen yienh neix aen yangh ceiq gungz he. Vihliux vutgungz baenzfouq, aen yangh neix cungfaen leihyung bonjdieg gijndei swwhyenz, lai ciengx mousei daem.

Bineix Ganhdung Yangh giethab banggungz canjyez banggungz cwngcwz, gungh hawj 483 hoh hohgungzhoj 3207 duz moulwg mousei ndaem, sawjyung aen mozsi densangh doxgap, dinghdan soudauq, moix duz mousei cungj guh veizmaj cazgoek guenleix, ndaej sawj doenghduz mousei daem fapdoj ciengx haenx bienqbaenz gij yenzswngghdai densangh nungzcanjbinj yawj ndaej raen ndeu, daiqdoengh aen yangh neix 2300 boux vunzlai gungzhoj vutgungz.

(Siz Fungh/石 峰)



▲ Doxcaeh lingx moulwg maranz ciengx.

Yungzanh: Banh Ciet “Gaeqmbin” Bang Vutgungz

融安：办“飞鸡”节助脱贫

12 nyied 23 hauh, Liujcough Si Yungzanh Yen youq aen yienh neix Daboh Yangh Mbanjswyangh gawjhengz gaiq daihseiq gijgwon ndei “gaeqmbin Daboh” hozdung. Doenggvaq gawjhengz gaebgaeq doxdax, baijgai nungzcanjbinj, ngaiz-bakgaeq, vwnzva hozdung caeuq vwnzyi biujyienj daengj baenzdauq hozdung, cienzmienh langhyienj dangdieg cwngzgoj lajfaex ciengx gaeqdoj, daezswng gij mingzcoh “gaeqmbin Daboh”, doigvangq hawciengz siugai gaeqdoj, bangcoh hohgungzhoj demgya souhaeuj, ndaej haemqvaiq saedyienh vutgungz.

(Cinz Ginghoz/覃庆和)



▲ Ciengx gaeq gaigaeq gwn gaeq veh gaeq.

Lungzswng Siujyoz Angqhoh Hagdangz Laebbaenz 110 Hopbi

龙胜小学喜庆建校 110 周年



12 nyied 22 hauh, Lungzswng Gak Cuz Swciyen Lungzswng Siujyoz gawjhengz aen hozdung aeu “cehfeiz cienz bak bi faenzcieng moq sij vuenyungz” ma guh cawjdaez haenx angqhoh hagdangz laebbaenz 110 hopbi, daengx hag lauxsae hagseng ciengqgo diuqfoux, sing riu sing dopfwngz haprwenz gwnzmbwn hagdangz.

(Vuz Swngghbinh/吴生斌 Vuz Veihveih/吴辉辉)

◀ Lauxsae hagseng ciengqgo diuqfoux angqhoh.